

ՀԱՅ ԱԶԱՏԱԳՐԱԿԱՆ ՇԱՐԺՈՒՄԸ ԵՎ ՀՆՋԱԿՅԱՆՆԵՐԸ
1880—1890-ԱԿԱՆ ԹՎԱԿԱՆՆԵՐԻՆ
(Հնչակյան կուսակցության հիմնադրման 100-ամյակի առթիվ)

ՀՍՍՀ ԳԱ ակադեմիկոս Մ. Գ. ՆԵՐՍԻՍՅԱՆ

Օսմանյան բռնապետության դեմ XIX դարի երկրորդ կեսին ծավալված հայ ազգային-ազատագրական շարժումը մեր ժողովրդի բազմադարյան պատմության ամենափայլուն էջերից մեկն է։ Հերոսական դրվագներով ու հայրենասիրական խիզախ ընդվզումներով լի այդ շարժմանը 1880—1890-ական թթ. գործուն մասնակցություն ունեցավ, ի թիվս մյուս հայ ազգային կազմակերպությունների ու կուսակցությունների, նաև հնչակյան կուսակցությունը։

Հնչակյանների կուսակցությունը, ինչպես հայտնի է, ստեղծվեց 1887 թ. Շվեյցարիայի Ժնև քաղաքում։ Նրա հիմնադիրներն էին իր ժամանակի առաջավոր պաշտպաններով տոգորված, երիտասարդ հայրենասերներ Ավետիս Նազարբեկը, Մարո Վարդանյանը, Ռուբեն Խանազատը, Գաբրիել Կաֆյանը, Գևորգ Ղարաշյանը և ուրիշներ։ Տարբեր տարիներին այդ կուսակցության մեջ ընդգրկվեցին բազմաթիվ հայ անվանի հասարակական-քաղաքական և մշակութային գործիչներ։

Իր կազմավորման շրջանում հնչակյան կուսակցությունը գտնվում էր ռուսական հեղափոխական, մասնավորապես, նարոդնիկական շարժման ազդեցության տակ¹։ Պատահական չէ, որ կուսակցության տպագիր գլխավոր օրգան «Հնչակ» թերթը իր անունը փոխ առավ Ա. Ի. Գերցենի «Կոլոկոլ» հայտնի հանդեսից, իսկ նորաստեղծ կուսակցությունն էլ նույն անունով կոչվեց հնչակյան կուսակցություն (1909 թ. վերանվանվեց Սոցիալ-դեմոկրատական հրեշտակյան կուսակցություն)։

Հնչակյանները ունեին երկու ծրագիր. մեկը կոչվում էր «Հեռավոր», մյուսը «Մոտակա»։ Առաջինի նպատակն էր Հայաստանում, հեռավոր ապագայում, ստեղծել սոցիալիստական կարգեր։ Հնչակյանների մի զգալի մասը իրեն հայտարարելով մարքսիզմի հետևորդ, աշխատում էր թարգմանությունների միջոցով հայ ընթերցողներին ծանոթացնել մարքսիստական-սոցիալիստական գրականության հետ։ Երկրորդը՝ «Մոտակա» ծրագիրը, իր խնդիրն էր համարում առանց հապաղելու զբաղվել Հայկական հարցով, պայքարել թուրքական բռնակալության դեմ, հանել արևմտահայ ժողովուրդը իր անօրինակ ծանր և ողբերգական վիճակից։ Չնայած նրան, որ տեսական ու գործնական մի շարք հարցերի շուրջը կուսակցության մեջ առկա էին տարաձայնություններ, այնուամենայնիվ բոլոր հնչակյաններին միաձուլում էր մի գլխավոր խնդիր՝ «Մոտակա» ծրագրի համաձայն ազատագրել արևմտահայությունը թուրք սուլթանների լծից, պայքարել ինքնավարության և կամ հնարավորության դեպքում հայկական պետություն ստեղծելու համար։ Դա էր համարվում ժամանակի առաջնակարգ ու անհետաձգելի հարցը։

Կուսակցության առաջին ծրագրում, որը ընդունվեց 1888 թ., ասվում էր, որ մոտակա նպատակին հասնելու «միջոցն է—հեղափոխությունը, այսինքն՝ պետք է բռնի կերպով կերպարանափոխել, հեղաշրջել ներկա հասարակական կազմակերպությունը թուրքաց Հայաստանում գործող ժողովրդային

1 Ա. Գ. Ներսիսյան. Հնչակյանների կազմավորման գաղափարական արմատները («Պատմա-բանասիրական հանդես», 1968, № 2)։

Սուլթանական բռնապետության դեմ ուղղված առաջին խոշոր ընդվզումը. որ կազմակերպեցին հնչականները, տեղի ունեցավ 1890 թ. հուլիսի 15-ին- Կ. Պոլսի Գում Գափու թաղամասում: Այդ օրը Թուրքիայի մայրաքաղաքի մի քանի հազար հայեր հնչական նշանավոր գործիչներ Հարություն Ճանկուլյանի- ու Համբարձում Պոյաճյանի (Մուրադի) (Սուրան) ղեկավարությամբ բողոք- քի ցույց կազմակերպեցին՝ սուլթան Արդուլ Համիդից պահանջելով իրական-

⁶ Геноцид армян в Османской империи. Сборник документов и материалов. под ред. М. Г. Нерсисяна, Ереван, 1983, с. 18.

նացնել տարիներ առաջ նախատեսված բարենորոգումները Արևմտյան Հայաստանում և վերջ դնել հայ ժողովրդի նկատմամբ կիրառվող անօրինակ ճնշումներին ու հարստահարություններին: Գույքը սկսվում է հայկական եկեղեցում, ուր Հ. Ջանկույանը, ընդհատելով պատարագը, բարձրանում է բեմ ու դիմելով հալածված բազմությանը՝ կոչ անում արևմտահայության օրհասական վիճակի մասին ըողորձազիր-պահանջազիր ներկայացնել թուրքական կառավարությունը: Նա միաժամանակ կարդում է նախօրոք պատրաստված պահանջագրի տեքստը, ուր Արևմտյան Հայաստանում տիրող ծանր վիճակի մասին ասված էր. «Անտանեկի հարստահարությունը, անիրավ ձեռքակալություններ, ասլորեն դատապարտությունը ու անխիղճ աքսորանք անպակաս են: Սուլայիսի արարքներու դեմ ժողովրդի բողոքող արդար ձայնը անլսելի կամա միշտ, մինչև իսկ կատաղի զորքերով անխնա կկոտորվի, սվինահար ու զնդակահար կհինա նա, ինչպես Վանա, Մշո, այլ տեղերու և վերջերս Կարնո մեծ դեպքին մեջ: Մեր հազարավոր վիժող քույրերու աղաղակը և մեր նահատակվող եղբայրներու տակավին տաք արյունը մինչև այժմ անուշադիր մնացած է, արհամարհված ու ծաղրված է իսկ»:

Պահանջագրում կային նաև այսպիսի տողեր. «Ժողովուրդ, դու պիտի կորսվիս, դու պիտի վերանաս եթե չո վիճակը նույնությամբ տնվե... Դուն դիտես, որ կլանքդ վտանգի կենթարկես չո ամեն մեկ արդար քայլափոխիդ մեջ: Բայց ուրիշ անելիք չմնաց այլևս. հոգիդ հասած բերանդ՝ դու պարտավորված ես դիմելու ամեն ծայրահեղությանը, որոնց միջոցով միայն չո արդար ձայնը լսեցնել տալ աշխարհին, և չո արդար պահանջների նպատակին հասնել: Ահա այս է մեր այսօրվան ցույցի խորհուրդը»⁷,

Բ. Դոանը պահանջադիր ներկայացնելու առաջարկը ոգևորում է բոլորին, և նրանք շարժվում են դեպի սուլթանի պալատը, իրենց հետ բռնի կերպով տանելով պատրիարք խորեն Ալըգյանին, որը, լինելով խիստ պահպանողական, դեմ էր նման քայլերին: Սակայն մինչև Նիդիդի պալատ հասնելը բազմամարդ հերթի դեմ է ուղարկվում թուրքական հետևակ և հեծյալ զորքը Դերվիշ փաշայի հրամանատարությամբ: Տեղի է ունենում զինված ընդհարում, երկու կողմերն էլ տալիս են սպանվածներ ու վիրավորներ: Ի վերջո ցուցարարները տեղի են տալիս, կատարվում են բանտարկություններ:

Դում Գափուի այս ցույցը մեծ արձագանք գտավ հայ ժողովրդի լայն խավերում: Օսմանյան պետության մայրաքաղաքում կատարված այդ խիզախ հայրենասիրական ակտը միաժամանակ մեծ տպավորություն թողեց ոչ միայն թուրքներում, այլև ևսրոպական շատ երկրներում:

Կազմակերպելով Դում Գափուի ժողովրդական ցույցը, հնչականները նպատակ ունեին հրավիրել մեծ պետությունների ուշադրությունը Հայկական հարցի վրա և նրանց միջոցով ստիպել թուրքական կառավարությանը լուծել Արևմտյան Հայաստանում բարենորոգումներ մտցնելու խնդիրը: Բայց այդ հույսերը չարդարացան: Փոքր ժողովուրդների իրավունքների մասին շատ հաճախ խոսող տերությունները մնացին անտարբեր, և սուլթան Աբդուլ Համիդը շարունակեց իր արյունոտ քաղաքականությունը:

Կ. Պոլսում կատարված դեպքերից հետո հնչական կուսակցության քաղաքական գործունեության գլխավոր կենտրոնը դարձավ Արևմտյան Հայաստանի Սասուն գավառը: Հայ գյուղացիությունը հատկապես այստեղ ենթարկվում էր անօրինակ սոցիալական հարստահարությունների և ազգային վայրենի ճնշումների: Գավառի բնակչությունը գտնվում էր գրեթե ճորտական վիճակում: Նա ծանր հարկեր էր վճարում ոչ միայն պետությանը, այլև քուրդ ավա-

⁷ Մի շարք աշխատություններում ցուցարարների թիվը հաշվվում է 5000 (տե՛ս, օրինակ, Հուշարձան նվիրված Ս. Դ. հնչական կուսակցության քառասունամյակին. Փարիզ, 1930, էջ 282):

⁸ Տե՛ս Պատմություն Ս. Դ. հնչական կուսակցության. 1887—1962. հ. Ա, Պեյրոթ. 1962, էջ 55—57:

տատերերին, ընդ որում վերջիններիս համար կատարում էր նաև կոռու բեգ-յառ: Այս բոլորին պետք է ավելացնել նաև այն, որ սուլթան Աբդուլ Համիդը արդեն գործնական քայլեր էր անում հայկական մասսայական շարժեր կազմակերպելու ուղղությամբ:

1894 թ. սասունցիները զենքի դիմեցին՝ իրենց ղեկավար ունենալով հընչական նշանավոր գործիչ Մուրադին (Հ. Պոյաճյանին) և նրա մի շարք գործակիցներին՝ Գևորգ Չավուշին (Գևորգ Աղամյանին), Գրգոյին (Գրիգոր Մոսեյանին) և այլոց: Սուլթան Աբդուլ Համիդի հրամանով ապստամբների դեմ շարժվեցին թուրքական 4-րդ բանակի զորամասերը և նորաստեղծ համիդիե զնդերից մի քանի վաշտեր Զեքի փաշայի հրամանատարությամբ: Կանոնավոր այդ զորքերին միացան բազմաթիվ հրոսակախմբեր, որոնց գլխավորում էին թուրքական իշխանությունների թելադրանքով գործող զանազան քուրդ շեյխեր:

Տեղի ունեցան կատաղի ճակատամարտեր: Ապստամբները անօրինակ հերոսությամբ բազմիցս հետ շարժվեցին թշնամու գրոհները: Նրանք կոպտ էին իրենց հատուկ խիզախությամբ և անձնազոհությամբ: Զենք էին վերցրել նաև կանայք, երիտասարդ աղջիկներն ու ծերունիները: Սասունցիների արիությունը դեռ իր ժամանակ նշել է էրզրումի ռուսական գլխավոր հյուպատոս Մաքսիմովը: Կ. Պոլսի ռուսական դեսպան Նելիդովին ուղղված իր զեկուցագրում նա 1894 թ. հոկտեմբերի 1-ին գրում էր, որ բոլորը, անդամ կանայք ցուցաբերել են անձնուրաց խիզախություն⁹:

Արյունոտ մարտեր ծավալվեցին մասնավորապես Շենիք, Սեմալ, Տալվորիկ գյուղերում ու Անդոկ լեռան լանջերին: Բայց ուժերն անհավասար էին: Թշնամին հզոր էր, մեծաքանակ ու լավ զինված: Կոտրելով ապստամբների դիմադրությունը, նա գրավեց Սասունը: Կողոպտվեցին ու ավերվեցին մի քանի տասնյակ գյուղեր, չտեսնված բարբարոսությամբ սրի քաշվեց ավելի քան 10 000 մարդ:

Սասունի հայ բնակչության մասսայական սոսկալի շարժերի դեմ իր ձայնը բարձրացրեց միջազգային հասարակական կարծիքը, որի ազդեցության տակ անգլիական, ֆրանսիական ու ռուսական կառավարությունները Արևմտյան Հայաստանի համար 1895 թ. կազմեցին բարենորոգումների մի նոր ծրագիր և մայիս ամսին այն ներկայացրին թուրքական կառավարությանը՝ ի կշռարածելու նպատակով: Դաժան ու նենգամիտ սուլթանը, սակայն, որ լավ գիտեր մեծ տերությունների երկդիմի քաղաքականությունը Հայկական հարցում, անուշադրության մատնեց այդ պահանջը և սկսեց գաղտագողի նախապատրաստել արևմտահայության նոր մասսայական կոտորածներ¹⁰:

Հնչակյանների հակասուլթանական նոր ելույթը տեղի ունեցավ դարձյալ Կ. Պոլսում, 1895 թ. սեպտեմբերի 18-ին: Այդ մի հզոր ցույց էր, որ նպատակ ունեի նոր բողոքագիր ներկայացնել Արևմտյան Հայաստանում տիրող ծանր վիճակի մասին և պահանջել թուրքական կառավարությունից իրագործել մայիսյան ռեֆորմների ծրագիրը: Ցուցարարների՝ թուրքական կառավարությանը ներկայացվելիք բողոք-պահանջագիրը սկսվում էր հետևյալ տողերով. «Կ. Պոլսո տեղացի և ասիական ամեն նահանգն պանդուխտ հայերս միաձայն հավանությամբ կազմակերպեցինք այս ցույցը, հանդիսավոր կերպով բողոքելու համար մեր երկրին մեջ տիրող արդի կացության դեմ և Բարձրագույն Դռան՝ ու Յվրոպայի ներկայացնելու համար հայ ժողովրդին պահանջները:

Մենք կուզենք այսօր անգամ մը ևս մեր կացության վրա հրավիրելով քաղաքակիրթ աշխարհին ուշադրությունը, հայտարարել, թե անխախտելի որոշումով մեզ ենք այլևս համակերպությամբ չտանիլ արդի մահաբեր և անիրավ վիճակը»:

⁹ Геноцид армян в Османской империи..., с. 26.

¹⁰ Հայ ժողովրդի պատմություն. Երևան, 1985, էջ 281—282.

Այնուհետև շարադրելով իրենց բողոքը, ցուցարարները մասնավորապես դրում էին. «Մենք կբողոքենք այն սխտեմատիկ հալածանքին դեմ, որուն ենթակա եղած է մեր ժողովուրդը մանավանդ այս վերջին քանի մը տարիներս, որ Բարձրագույն Դռան կողմն ընդունված է իբրև կառավարական սկզբունք, միակ նպատակ ունենալով բնաջինջ անել հայերը իրենց բնիկ երկրեն»։ Պահանջների մեջ կար նաև այսպիսի մի կետ. «Մենք կպահանջենք օրինական իրավունք, որոնք բացարձակորեն երաշխավորեն մեր կյանքին և ինչքին բացարձակ ապահովություն, մեր պատվուն պահպանություն և հարգանք»¹¹։

Ինորոշ է այն հանգամանքը, որ բողոք-պահանջագրում խոսվում էր նաև բախտակից հարևան ժողովուրդների մասին։ «Հաստատ համոզված ենք, որ վերոհիշյալ պահանջներուն իրականացումը անհրաժեշտ է թե հայերուն ընդհանուր ապահովությանն ու բարեկեցությանը համար և թե այն տարբեր ժողովուրդներուն համար, որոնք մեր երկիրը կբնակին և որոնց հետ մեր շահերը միենույնն են»։

Այս նոր ցույցը, որին մասնակցում էին մի քանի հազար հայ աշխատավորներ, ուներ խաղաղ բնույթ։ Կ. Պոլսի հնչակյան կազմակերպության ղեկավարները ղեկն սկստեմբերի 16-ին հայտնել և նախազգուշացրել էին սուլթանական պետության համապատասխան ներկայացուցիչներին և եվրոպական պետությունների ղեկավարներին այն մասին, որ սեպտեմբերի 18-ին իրենք խաղաղ ցույց են կազմակերպելու Կ. Պոլսում։ Բայց սուլթան Աբդուլ Համիդը, որ ինչքան դժման, այնքան էլ վախկոտ էր, չհանդուրժեց նման թխուրդությունը։ Որ հայ ցուցարարները շարժվեցին դեպի սուլթանի Բարը Ալի պալատը, ապա թուրք ոստիկանները և զինվորները կրակ բացեցին նրանց վրա։ Հրահրվեց զինված ընդհարում, որի հետևանքով եղան սպանվածներ ու վիրավորներ։ Բ. Դռան կողմից նախօրոք կազմված ժրագրի համաձայն սկսվեցին հաջբնակչության նոր կոտորածներ Կ. Պոլսում։

Թուրքական բռնակալության բարբարոսությունները բողոքի ու զայրույթի հզոր ալիք բարձրացրին հայ ժողովրդի մեջ և շատ երկրներում։ Վախենալով աղատադրական շարժման նոր ընդլայնմանից և այն բանից, որ մեծ պետությունները կարող են օգտագործել հայկական բարենորոգումների հարցը իրենց շահադիտական նպատակների համար, սուլթան Աբդուլ Համիդը ստորագրեց օրենք մայիսյան ռեֆորմները իրականացնելու մասին։ Բայց ինչպես ցույց տվեցին հետագա անցքերը, օսմանյան միապետը այդ արեց միայն առևտրի, միայն խաբելու համար։

Կ. Պոլսում 1895 թ. սեպտեմբերի 18-ին տեղի ունեցած դեպքերից շատ լանցած, հնչակյան կուսակցությունը գլխավորեց զեյթունցիների 1895—1896 թթ. համաժողովրդական հզոր ապստամբությունը ուղղված թուրքական բռնապետության դեմ։ Բանն այն է, որ շնայած սուլթան Աբդուլ Համիդի կեղծ խոստումներին, Բ. Դռուր գաղտնի որոշում ընդունեց հայերի մասսայական շարժեր կազմակերպել նաև Զեյթունում։ Մարաշից և այլ շրջաններից թուրքական մեծաքանակ զորքեր և հազարավոր բաշիբոզուկներ շարժվեցին դեպի հայ աղատադրական շարժման այդ նշանավոր կենտրոնը։ Մրաքոված ոճրագործությունը կանխելու նպատակով զեյթունցիները ապստամբության դրոշմ բարձրացրին թուրքական կառավարության դեմ և որոշեցին այս անգամ ևս փրկել իրենց կյանքն ու պատիվը զենքի օգնությամբ։ Զարդերից խուսափելու և ընդհանուր ուժերով թշնամու դեմ մաքառելու նպատակով գավառի բազմաթիվ հայ գյուղերի բնակիչները փոխադրվեցին նրա կենտրոն Զեյթուն քաղաքը։

¹¹ Հիսունամյակ Ս. Դ. հնչակյան կուսակցության, էջ 132—133։

Մի քանի ամիս շարունակ, 1895 թ. հոկտեմբերից մինչև 1895 թ. փետրվար ամիսը, հայ ազատասեր լեռնականները հերոսական ինքնապաշտպանական կռիվներ մղեցին հզոր թշնամու դեմ: Տեղի ունեցած կատաղի ճակատամարտեր, Դձուկա հոկտեմբերի 18-ին ապստամբները գրավեցին թուրքական զորանոցը¹², որը գտնվում էր Զեյթուն քաղաքի մոտակայքի մի բարձունքի վրա: Գերի հանձնվեց մոտ 600 թուրք զինվոր ու սպա: Զեյթունցիների ձեռքն անցան հարուստ ռազմամթերք և պարեն¹³: Թշնամին հետագայում ևս ստացավ ծանր հարվածներ ու տվեց հազարավոր զոհեր, շնայած ուներ շատ մեծ գերակշռություն: Զեյթունի վրա հարձակվող թուրքական զորքերի թիվը կազմում էր մի քանի տասնյակ հազար, որի մի մասը բաշխված էր էին, իսկ հայ ապստամբ մարտիկների թիվը վեց հազարից ավել չէր: Բայց շնայած դրան, թուրքերին չհաջողվեց կոտրել զեյթունցի մարտիկների դիմադրությունը:

Զեյթունցիների այդ հերոսական պայքարը անմիջականորեն ղեկավարում էին հնչակյաններ Աղասին (կարապետ Թուրսարգսյան), Հրաչյան (Գրիգոր Ղարիբջյան), Ապահը (Պետրոս Գմբյան) և ուրիշներ: Թուրքական զորքերի դեմ մղված կռիվներում խոշոր դեր է կատարել նաև Նազարեթ Չավուշը:

Ապստամբ հայ գյուղացիները ցուցաբերեցին անօրինակ սխրագործություններ: Նրանց խիզախությունն ու անձնագոհ հայրենասիրությունը մեծ հարգանք ու ոգևորություն առաջացրին ոչ միայն հայերի, այլև օտարերկրյա շատ քաղաքացիների մեջ: Պատահական չէ, օրինակ, որ իտալացի դիվանագետ, հյուպատոս Հենրիկոս Վիտտոն, որ 1896 թ. հունվարին ժամանեց Զեյթուն և ականատես եղավ այնտեղ կատարվող դեպքերին, հայ լեռնականների ապստամբությունը նմանեցնում էր Գարիբալդու դեկավարության տեղի ունեցած ազգային-ազատագրական շարժմանը: Իր հուշերը պարունակող գրքում նա ջերմ տողեր է նվիրել քաղաքի զեյթունցիներին. «Ողջունում եմ քեզ հերոսական Զեյթուն: Քանի դեռ արևը կփայլի մարդկային դժբախտությունների վրա, քո անունը կապրի որպես հարստահարվող ժողովուրդների հույսի խորհրդանիշը: Իտալացի հումանիստը բազմիցս նշել է հայ լեռնականների խիզախությունը և նրանց պայքարի արդարացիությունը:

Անձամբ ծանոթ լինելով ապստամբների մի շարք ղեկավարների հետ, Վիտտոն տվել է նրանց բնութագրեր: «Աղասին,—գրում է նա,—հմուտ կազմակերպիչ է, սակայն շունի զինվորականի հատկանիշներ: Խիզախությունն ու հայրենասիրությունն անպակաս են, բայց բնությունը իրեն չի օժտել մարտեր վարելու ունակությամբ: Շիկահեր է, գունատ, նիհար, ֆիզիկական կառուցվածքը թուղնում է հիվանդ մարդու տպավորություն»... «Հրաչյան խիզախ է և համարձակ, ունի խիստ հայացք, միշտ պատրաստ է մարտի նետվելու: Գնում է կռվելու այնպես, կարծես պարահանդես գնա: Քիչ է խոսում, կարծիքներ ու մտքեր փոխանակելու փոխարեն գերադասում է գնդակների սուլոցն և արյունալի մարտերը»¹⁴:

Վիտտոյի գրառումներում կարգում ենք. «Զեյթունում ծածանվում էին երկու դրոշակ. մեկը կարմիր՝ ապստամբության դրոշմը, որ տեղադրված էր կառավարական տան (այսինքն կայմակամի նստավայրի.—Մ. Ն.) վրա, մյուսը՝ սպիտակ, վարդագույն ու կանաչ, որը ծածանվում էր քաղաքի մոտ գտնվող վանքի տանիքին: Այս եռագույն դրոշմը հայկական ազգային դրոշմն է, որի վրա

12 Չ. Մ. Պոզոսյան. Զեյթունի պատմություն. Երևան, 1969, էջ 339:

13 Հայ ապստամբներին հանձնվեցին 2 թնդանոթ, 170 ռումբ, 600 Մարտինի հրացան, 120 000 փամփուշտ, 2 տակառ վառոդ, 2 ամբար գարի. 2 ամբար բրինձ, 40 տոննա ալյուր, 30 տակառ ձեթ, 1500 զույգ գուլպա և այլն (տե՛ս Գ. Գալստյան. Մարաշ կամ Գերմանիկ և հերոս Զեյթուն. Նյու Յորք, 1934, էջ 159: Տ. Գևորգյան. Սանաթի, պատմություն Զեյթունի 1895-ի պատերազմներուն... Բ մաս, Փարիզ, 1946, էջ 26:

14 Anatolio Latino. Gli Armeni e Zeitun. Vol. 2, Firenze, 1899, p. 171. Չ. Վիտտոն իր հուշերը հրապարակել է կեղծանունով՝ Ի գեպ, այս գրքում կան հետաքրքիր ու մանրամասն տեղեկություններ Մարաշի 1896 թ. հայկական կոտորածների մասին:

գրված է. «Աղատ ապրել կամ մեռնել, կեցցե՝ հայ ժողովուրդը»։ Գարմիր գրողի վրա, որ հեղափոխության դրոշմ է, գրված է. «Կեցցե՝ հեղափոխությունը, կեցցե՝ հնչական կուսակցությունը»¹⁵։

Զեյթունցիների այս ապստամբությունը, որը XIX դարի երկրորդ կեսի հայ ազատագրական շարժման ամենափայլուն դրվագն է, ի չիք դարձրեց հայ լեռնականներին բնաջինջ անելու թուրքական կառավարության արյունոտ ծրագիրը։ Ի վիճակի չլինելով ծնկի բերել քաջարի ապստամբներին, սուլթան Աբդուլ Համիդը ստիպված եղավ ընդունել եվրոպական վեց պետությունների միջամտությունը և կնքել համաձայնագիր իր բռնապետության դեմ ապստամբած հայ գյուղացիների հետ։ Թուրքական զորքերը հետ քաշվեցին Զեյթունից, հայտարարվեց ընդհանուր ներում, ապստամբությունը գլխավորող հնչական գործիչներին թույլատրվեց հեռանալ Թուրքիայից, խոստացվեց մի քանի տարով հայ գյուղացիներին ազատել հարկեր վճարելուց և այլն։ Զեյթունցիները պարտավորվեցին վերադարձնել պատերազմական գործողությունների ժամանակ թուրքական բանակից գրավված թնդանոթները և մյուս ուղմամթերքը։

Զեյթունցիների 1895—1896 թթ. հերոսական ապստամբությունը փաստորեն վերջացավ հաղթանակով։ Այն մեծ ոգևորություն առաջ բերեց հայ ժողովրդի ամենայալն խավերում և ջերմ արձագանք գտավ շատ երկրների առաջավոր հասարակության մեջ։ Դեպքերը, սակայն, այլ ընթացք ստացան Արևմտյան Հայաստանի մի շարք գավառներում։ Թուրքական իշխանություններին, օրինակ, հաջողվեց նույն 1896 թ. ամռան ու աշնան ամիսներին ջարդեր կազմակերպել Վասպուրականում և մասնավորապես Վան քաղաքում։ Վանցիները դիմեցին ինքնապաշտպանական կռիվների, որոնց մասնակցեցին տեղի բոլոր հայրենասերների հետ միասին նաև հնչականները։ Տեղի ունեցած հերոսական մարտեր, որոնցում աչքի ընկան հատկապես Մկրտիչ Ավետիսյանը, Մարտիրոս Սարգսյանը (Մարտիկ), Ալեքսանդր Պետրոսյանը (Պետո), Տիգրան Տերոյանը (Վազգեն) և ուրիշներ։ Բայց ուժերը անհավասար էին։ Վանի հայ բնակչությունը տվեց բազմաթիվ զոհեր։

Վանի հայ հայրենասերներին օգնելու, ինքնապաշտպանական նոր կռիվներին մասնակցելու նպատակով նշանավոր հնչական Փարամազը (Մաթեմոս Սարգսյան), գլխավորելով մի խումբ կամավորների, 1897 թ. Պարսկաստանից անցավ Վան։ Բայց այստեղ թուրք ոստիկանության հետ տեղի ունեցած մի դիմված ընդհարումից հետո բանտարկվեց ու դատի տրվեց։ Վանի թուրքական բռնական դատարանի եզրափակիչ նիստում, որ տեղի ունեցավ 1898 թ. օգոստոսի 1-ին, Փարամազը արտասանեց իր հայտնի «Վերջին խոսքը», ուր ամենայն խիզախությամբ ցույց տրվեց օսմանյան պետության բարբարոսական քաղաքականությունը հայ և հարևան ժողովուրդների նկատմամբ։ Անվեհճեր «դատապարտյալը», որին մեղադրում էին «խռովարարության» և նման կարգի այլ «հանցանքների» մեջ¹⁶, հրապարակեց նաև անհերքելի տվյալներ Վանում ու Վասպուրականում կատարված ոճիրների մասին։ «Վանի մեջ, հայտարարեց Փարամազը, մի բարձրաստիճան պաշտոնյա՝ Ղալբալ փաշա, հարուստ հայերին իր տունը հրավիրեց պաշտպանելու պատրվակով, բայց կողոպտելուց հետո իր ձեռքով ամենքին ալ՝ մոտ 200 հոգի, անասելի շարժարանքով սպանեց։ Արձակում 450 հոգու եկեղեցու մեջ զինվորները ոչխարի պես մորթեցին։ Ալլափաղում տեղական մյուստիրը 40 հոգու ցորնահոդի մեջ կենդանի թաղեց՝ օրինակ վերցնելով Զեքի փաշայից, որը 600 հոգի թաղել էր հորի մեջ։ Մոքսի կառավարիչը տեղական հայերին խոստովանեց՝ «Զեմ կարող, ասում է, ձեզ պաշտպանել, քանի որ տերության հրամանն է»։ Շարաֆ բեյ, ավազակ Շա-

¹⁵ Նույն տեղում։

¹⁶ Ժիշտ է ասված, թե Փարամազի գլխավոր օմեղքն այն էր, որ նա առաջ էր քաշում «Բնիստվար Հայաստան՝ անջատ Թուրքիայից» զաղափարը (տե՛ս Հարգանք Ս. Դ. հնչական քսան անմահներուն. Պեյրութ, 1957, էջ 8)։

քիր, Զաֆար բեյ և այլն տերութեան շնորհիվ շքանշանների արժանացան, որովհետև շատ կոտորեցին ու կողոպտեցին»։

Իր վերջին խոսքը Փարամազը ամփոփեց այսպես. «Տաճիկ կառավարության անպատմելի բռնությունը ստիպեց մեզ հեղափոխական լինել... հեղափոխականի վսեմ արհամարհանքով լսում եմ ընդհանուր դատարանի անատամ ամբաստանությունները և ձեր վճիռները... վճռեցեք, որքան կարողանաք, արհամարհում ենք, վճռեցեք, բայց վախեցեք ապագայից»¹⁷։

Թուրքական ջարդարարների դեմ ուղղված Փարամազի այս փայլուն ճառը զեղծ արձագանք գտավ շատ երկրների առաջավոր հասարակության մեջ և հայրենասիրական շարժման նոր ալիք բարձրացրեց հայ հայրենասերների շարքերում։ Դատավճիռը՝ կախաղան բարձրացնել Փարամազին, ի կատար ածվեց, քանի որ «մեղադրված» լինելով ռուսահպատակ, ռուս հյուպատոսի պահանջով հանձնվեց ցարական կառավարությանը¹⁸։

Հարկ է նշել, որ 1880—1890-ական թթ. թուրքական բռնապետության դեմ ուղղված մարտերում հնչակյան կուսակցությունը տվեց շատ զոհեր։ Հիշենք, օրինակ, որ թուրք դահիճները կախաղան բարձրացրին նշանավոր հնչակյաններ Թորոս Սառուկյանին (1893 թ. հուլիսին) և Մարտիրոս Բոյաճյանին (ժիրայրին, 1894 թ. մարտին)։ Թուրքիայի և Արևմտյան Հայաստանի մի շարք զավառներում կախաղան հանվեցին նաև այլ հերոսներ։ Հարյուրավոր մարդիկ զնդակահարվեցին, բանտարկվեցին ու աքսորվեցին։ Մարտի դաշտում հերոսաբար ընկան ազատագրական շարժման անվանի գործիչներ Բարսեղ Զաքարյանը (Լևոն), Դանիել Զավուշը և շատ ուրիշներ։

Հնչակյանների պայքարը թուրքական բռնապետության դեմ շարունակվեց նաև XX դարի առաջին երկու տասնամյակներին։ Համառոտակիորեն հիշենք այդ շրջանի պայքարի պատմության մի քանի էջերը։

1915 թ., հայ ցեղասպանության շրջանում, Արևմտյան Հայաստանում ծավալված ազատագրական-ինքնապաշտպանական կռիվներին լայնորեն մասնակցեցին նաև հնչակյանները, որի համար երիտթուրքերի ոճրագործ կառավարությունը դաժան դատաստան տեսավ նրանց հետ։ 1915 թ. հունիսի 15-ին, Կ. Պոլսում, սուլթան Բայազիդի անունը կրող հրապարակում թուրք դահիճները կախաղան բարձրացրին 20 ականավոր հնչակյանների, որոնց թվում Փարամազին, Պետրոս Թորոսյանին (դոկտ. Պեննեյին), Արամ Ալըզպաշյանին, Գեղամ Վանիկյանին, Երվանդ Թոփուզյանին, Վահան Պոյաճյանին և մյուսներին։ Նույն թվականի հուլիսի 31-ին արյունոտ թալեաթ փաշայի հրամանով կախաղան բարձրացրին նաև հնչակյան կուսակցության նշանավոր գործիչ ու անվեհեր մարտիկ Մուրադին։

Առաջին համաշխարհային պատերազմի տարիներին ռուսական բանակի կազմում թուրքական բռնապետության դեմ կռվող հայկական կամավորական մյուս զնդերի հետ միասին խիզախորեն կռվում էր նաև հնչակյանների կողմից կազմակերպված վեցերորդ կամավորական գունդը՝ Գրիգոր Ավշարյանի հրամանատարությամբ։ Ի դեպ, այս զնդի կազմում թուրք բարբարոսների դեմ մարտնչում էր նաև անվանի հայրենասեր, հնչակյան, հետագայում Սովետական Ռուսաստանում 1918—1921 թթ. ծավալված քաղաքացիական կռիվների լեգենդար հերոս, կարմիր բանակի ականավոր հրամանատարներից մեկը՝ Հայկ Բժշկյանը (Գայը)։

Հնչակյանները մասնակցեցին թուրքական զավթիչների դեմ ուղղված ժողովրդական ինքնապաշտպանական այն կռիվներին, որոնք բռնկվեցին 1918 թ. մայիսին Սարդարապատում, Ղարաբաղի խառնում ու Բաղապարանում։ Հայ ժո-

17 Հիսունամյակ Մ. Գ. հնչակյան կուսակցության..., էջ 159։

18 Մոտ երկու տարի ցարական բանտերում մնալուց հետո Փարամազը ազատ արձակվեց՝ նրա ընկերներին վանի թուրքական դատարանը դատապարտեց մի մասին 50, մյուս մասին՝ 23 տարվա բանտարկության (տե՛ս Պատմություն Մ. Գ. հնչակյան կուսակցության, էջ 200)։

դավրդր համար ճակատագրական նշանակություն ունեցող այդ հերոսական կռիվների ընթացքում աչքի ընկան, ի թիվս շատ շատերի, նաև ոչ քիչ Գնչականները:

Հայտնի է, որ Թուրքիայում իշխանության գլուխ անցած բնական նացիոնալիստները, օգտվելով ֆրանսիական կառավարության թյուրքֆիլ ու խարդառն քաղաքականությունից, 1920—1921 թթ. կազմակերպեցին հայության մասսայական շարժեր Կիլիկիայում: Բազմաթիվ վայրերում, սասնավորապես Հաշինում և Զեյթունում, տեղի ունեցան հայ գյուղացիների հերոսաճան, ինքնապաշտպանական կռիվներ, որոնք, սակայն, վերջացան անհաջողությամբ: Կիլիկիահայերի ջանքերը կանխելու ու խափանելու, թուրք բարբարոսների գեմ դինված պաշարող ելած հայերին օգնելու նպատակով ղգալը գործ կատարեց, հայկական մյուս հասարակական-քաղաքական կազմակերպությունների և կուսակցությունների հետ միասին, նաև հնչական կուսակցությունը:

Քսաներորդ դարում Թուրքական հարստահարողների ու շարդարարների գեմ հնչականների ծավալած ազատագրական պայքարը ևս հայ ժողովրդի ազգային-ազատագրական շարժման կարևոր դրվագներից մեկն է: Այդ հարցին, սափալ, կանդրադառնանք մի այլ հոդվածով:

АРМЯНСКОЕ ОСВОБОДИТЕЛЬНОЕ ДВИЖЕНИЕ И ГНЧАКИСТЫ В 1880—1890-х ГОДАХ

(К 100-летию со дня основания партии гнчакистов)

Академик АН АрмССР М. Г. НЕРСИСЯН

Резюме

Партия гнчакистов приняла активное участие в армянском национально-освободительном движении 1880—1890 гг., направленном против невыносимого османского ига. В статье в частности показано, что гнчакисты играли значительную роль в организации народно-освободительных восстаний в Сасуне (1894 г.) и в Зейтуне (1895—1896 гг.). Они организовали также массовые политические демонстрации армянского населения города Константинополя (в 1890 и 1895 гг.), требуя от крошечного султана Абдул Гаида осуществить реформы в Западной Армении, предусмотренные Берлинским конгрессом в 1878 г. Гнчакисты участвовали и во многих самооборонительных боях армянских крестьян и горожан, имевших место в разных провинциях и в отдельных городах и деревнях страны. Многие выдающиеся деятели этой партии пали жертвой в борьбе с турецкими угнетателями: были повешены, зарезаны, убиты и уничтожены турецкими палачами.